

## 2022-mi suliffissaaleqineq aamma sulisinnaasut

### Aallaqqaasiut

Kisitsisitigut paasissutissani matumani suliffissaaleqisut aamma sulisinnaasut agguaqatigiissillugu qaammammut ineriartornerat nassuiarneqarput. Sapinngisamik FN-ip ataani The International Labour Organisation-imit (ILO) innersuussutit tunngavigalugit suliarineqarput. Erseqqissaatigineqassaarlut Naatsorsueqqissaartarfiup qaammatikkaartumik saqqummiuttagaanit suliffissarsiorfiusinnaasutit nalunaarsukkat kisitsisaannit matumani kisitsisit allaanerummata.

Saqqummersitaq immikkoortunut pingasunut avinneqarpoq, ataatsimut imaluunniit immikkut atuarneqarsinnaasunut. Immikkoortumik siullermi suliffissaaleqineq nassuiarneqarpoq. Immikkoortut aappaanni sulisinnaasut kiisalu immikkoortut pingajuanni kisitsisitigut paasissutissani najoqqutarineqartut naatsorsuinermilu periaatsit nassuiarneqarlutik.

Naatsorsueqqissaartarfiup kisitsisaataasiviani [bank.stat.gl](http://bank.stat.gl) -imi piffissami 2016-imiit 2022-mut suliffissaaleqisut sulisorineqarsinnaasullu paasissutissaat sukumiinerusut nassaarineqarsinnaapput. Immikkoortumi siullermi tullianilu titartakkat takussutissiallu tamarmik Naatsorsueqqissaartarfiup kisitsisaataasivianit kisitsisit atorlugit sananeqarput. Kisitsisaataasivimmit kisitsisinut najoqqutarineqartunut innersuussinerit titartakkat takussutissiallu ataanni takuneqarsinnaapput.

### Saqqummersitami matumani iluarsaassinerit allannguutillu

Saqqummersitami matumani siuliani saqqummersimasunik iluarsaassisoqanngilaq.

### Taaguutit nassuiaataat

Suliffeqarnerneq: Agguaqatigiissillugu qaammammut suliffillit amerlassusaat.

Suliffissaaleqineq: Agguaqatigiissillugu qaammammut suliffissaaleqisut amerlassusaat.

Suliffissaaleqineq pct.-inngorlugit: Suliffissaaleqineq sulisinnaasut amerlassusaannut tamakkiisumut naleqqiullugu.

Sulisinnaasut: Innuttaasut najugaqavissut ukiuni inuussutissarsiorfiusinnaasuni ukiullit.

Ukiut inuussutissarsiorfiusinnaasut: 18-init 64-inut (2016-imi), 18-init 65-inut (2017-imiit 2020-mut) aamma 18-init 66-inut (2021-mi 2022-milu).

Sulisinnaasunut ilaangitsut: Innuttaasut najugaqavissut ukiuni inuussutissarsiorfiusinnaasuni ukiullit, suliffilittut imaluunniit suliffissaaleqisutut nalunaarsorsimangitsut.

## Suliffissaaleqineq

### 1. Suliffissaaleqineq

2022-mi agguaqatigiissillugu qaammammut 931-t suliffissaaleqisutut nalunaarsorsimapput. Takussutissiaq 1 malillugu sulisinnaasut tamakkerlutik 3,2 pct.-iannik annertussuseqarput. Qaammatikkaartumik suliffissaaleqineq 2021-mut naleqqiullugu inunnik 128-nik annikinneruvoq.

### Takussutissiaq 1. Suliffissaaleqineq aamma pct.-inngornera, najugaqarfik suaassuserlu malillugit

	Suliffissaaleqineq				Pct.-inngorlugu			
	2019	2020	2021	2022	2019	2020	2021	2022
<b>Katillugit . .</b>	<b>1.243</b>	<b>1.300</b>	<b>1.059</b>	<b>931</b>	<b>4,3</b>	<b>4,5</b>	<b>3,7</b>	<b>3,2</b>
Illoqarfiit . . .	1.021	1.065	867	757	4,1	4,3	3,4	3,0
Nunaqarfiit il.il.	222	236	193	173	6,1	6,5	5,3	4,9
Angutit . . . . .	707	744	595	525	4,6	4,9	3,9	3,4
Arnat . . . . .	536	557	464	405	4,0	4,2	3,4	3,0

Najoqqutaq: Kisitsisaataasivik: <https://bank.stat.gl/ARNLED3>


Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussaritat 65-it (2016-imi), 66-it (2017-imiit 2020-mut) aamma 67-it (2021-mi 2022-milu).

Suliffissaaleqineq illoqarfinni annertoq atuuppoq. 2022-mi agguaqatigiissillugu 757-it illoqarfinni suliffissaaleqisimapput, 173-illu nunaqarfinni. 2021-mut naleqqiullugit illoqarfinni suliffissaaleqisut 110-nik ikinnerupput, nunaqarfinnilu 20-nik.

Suliffissaaleqineq illoqarfinni annertunerugaluartoq, sulisinnaasut akornanni suliffissaaleqinerup pct.-inngornera nunaqarfinni annertuneruvoq. 2022-mi nunaqarfinni sulisinnaasut akornanni agguaqatigiissillugu 4,9 pct.-ii qaammatit tamaasa suliffissaaleqinermik eqqugaasarsimapput, illoqarfinni sulisinnaasut akornanni 3,0 pct.-ii suliffissaaleqisutut nalunaarsorsimasut.

Qaammatip ingerlanerani angutit arnanit amerlanerusut suliffissaaleqinermik eqqugaasarsimapput. 2022-mi agguaqatigiissillugu angutit 525-t arnanit 405-init amerlanerullutik qaammatit tamaasa suliffissaaleqisutut nalunaartarsimapput. Taamaasilluni 2022-mi sulisinnaasut akornanni angutit agguaqatigiissillugu 3,4 pct.-ii arnallu 3,0 pct.-ii qaammatit tamaasa suliffissaaleqisimallutik.

### Titartagaq 1. Suliffissaaleqineq pct.-inngorlugu




Najoqqutaq: Kisitsisaataasivik: <https://bank.stat.gl/ARNLED8>

Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi 2022-milu).

Titartagaq 1 malillugu suliffissaaleqineq ukiup ingerlanerani piffissat nikerarnerannit annertuumik sunnerneqartarpoq. Januaarimi annertunerpaasarpoq septembarimilu aamma oktobarimi annikinnerpaasarluni. Ukiunili kingullerni piffissat nikerarnerisa sunniisarnerat siornatigornit annikinnerulersimavoq.

### Titartagaq 2. Suliffissaaleqineq pct.-inngorlugu, suaassuseq malillugu




Najoqqutaq: Kisitsisaataasivik: <https://bank.stat.gl/ARNLED8>

Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi 2022-milu).

Ukiuumut piffiit nikittarneri malillugit suliffissaaleqinerneq titartagaq 2 malillugu angutit arnanit amerlanerupput. Angutit arnaniit piffiit nikittarneri malillugit inuussutissarsiorluni suliaqarfanni sulinerusarnerannik tamanna nassuiarneqarsinnaavoq, pingaartumik aalisarnerup iluani, arnalli suliffillit 66 pct.-it missaanniittut annertunerpaartaat pisortat suliffeqarfiutaanni sulisuunerannik, tassanilu ukiup ingerlanerani suliffeqarnerup annertussusaata aalaakkaanerumik ingerlasarneranik nassuiarneqarsinnaalluni.

### Titartagaq 3. 2022-mi suliffissaaleqineq pct.-inngorlugu, najugaqarfiit malillugit



Najoqqutaq: Kisitsisaataasivik: <https://bank.stat.gl/ARNLED3>

Titartagaq 3-mi takussutissiaq 2-milu takuneqarsinnaasutut najugaqarfiit akornanni suliffissaaleqinerup pct.-inngorneri annertuumik assigiinngiaarput. 2022-mi najugaqarfimmi Qasigiannnguani suliffissaaleqinerup pct.-inngornera 1,0 pct.-imiilluni annikinnerpaavoq. Paarlattuanik najugaqarfik Tasiilaq inissisimavoq, 2022-mi sulisinnaasut akornanni suliffissaaleqineq 12,6 pct.-inik annertussuseqarpoq. Najugaqarfik Maniitsoq 3,6 pct.-imi inissisimavoq, agguaqatigiissillugulu nunalu tamakkerlugu suliffissaaleqinerup annertussusaanut qaninnerpaalluni. Najugaqarfimmi Nuummi suliffissaaleqineq 2,1 pct.-imiippoq.

### Takussutissiaq 2. Suliffissaaleqineq aamma pct.-inngornera, najugaqarfiit malillugit


	Suliffissaaleqineq					Pct.-inngorlugu				
	2018	2019	2020	2021	2022	2018	2019	2020	2021	2022
	Inuit amerlassusaat					Pct.				
<b>Nuna tamakkerlugu...</b>	<b>1.441</b>	<b>1.243</b>	<b>1.300</b>	<b>1.059</b>	<b>931</b>	<b>5,0</b>	<b>4,3</b>	<b>4,5</b>	<b>3,7</b>	<b>3,2</b>
Nanortalik .....	106	85	89	67	53	13,6	11,2	11,7	9,3	7,7
Qaqortoq .....	119	103	105	88	94	7,6	6,5	6,7	5,6	6,1
Narsaq .....	76	68	61	58	53	9,5	8,7	7,7	7,3	7,0
Paamiut .....	63	48	41	37	29	9,1	7,2	6,5	6,1	5,2
Nuuk .....	303	255	288	252	219	3,1	2,6	2,8	2,4	2,1
Maniitsoq .....	97	94	84	50	56	5,8	5,6	5,2	3,2	3,6
Sisimiut .....	106	134	151	130	120	3,4	4,2	4,7	4,1	3,8
Kangaatsiaq .....	66	54	49	32	27	11,0	9,5	8,6	5,9	4,8
Aasiaat .....	78	53	48	41	34	5,1	3,6	3,2	2,7	2,3
Qasigiannnguit .....	20	16	12	8	6	3,2	2,6	2,0	1,4	1,0
Ilulissat .....	60	47	59	49	30	2,5	1,8	2,3	1,9	1,1
Qeqertarsuaq .....	14	12	15	13	17	3,3	2,8	3,6	3,1	3,9
Uummannaq .....	26	13	15	17	14	2,2	1,1	1,2	1,4	1,2
Upernavik .....	32	18	26	23	19	2,4	1,3	1,9	1,7	1,4
Qaanaaq .....	19	14	15	10	7	5,5	3,9	4,1	3,0	2,1
Tasiilaq .....	241	225	237	181	150	18,1	17,5	19,3	14,9	12,6
Ittoqqortoormiit ..	13	5	7	3	4	7,9	3,6	4,2	2,1	2,4

Najoqqutaq: Kisitsisaataasivik: <https://bank.stat.gl/ARNLED3>

Malugiuk: 18-init soraamerussutisiaqalersinnaanermut ukiussaritanut ukiullit. Soraamerussutisiaqalersinnaanermut ukiussaritanut 65-it (2016-imi), 66-it (2017-imiit 2020-mut) aamma 67-it (2021-mi 2022-milu).

Titartagaq 4 malillugu ukiut immikkoortiternerini tamani suliffissaaleqinerup annertussusaa nunaqarfinni annertunerpaavoq illoqarfinnilu annikinnerpaalluni. Ukiut immikkoortiternerini inuusunnerusut akornanni assigiinngissut annertuneruvoq. Nunaqarfinni inuusuttut 25-t inorlugit ukiullit suliffissaaleqinermik annertuumik eqqugaqqammata.


#### Titartagaq 4. 2022-mi suliffissaaleqineq pct.-inngorlugu, ukiut najugaqarfillu malillugit



Najoqqutaq: Kisitsisaataasivik: <https://bank.stat.gl/ARNLED3>

Taamatuttaaqaq suaassutsit akornanni ukiut malillugit suliffissaaleqineq assigiinngiaarpoq. Arnat 18-iniit 19-inut aamma 20-niit 24-nut ukiullit akornanni ukiullit pct.-inngiorlugit suliffissaaleqinerat angutinit annertuneruvoq, ukiulli immikkoortiternerini arlalinni utoqqaanerusuni tamanna killormoorpoq.

#### Titartagaq 5. 2022-mi suliffissaaleqineq pct.-inngorlugu, ukiut suaassuserlu malillugit



Najoqqutaq: Kisitsisaataasivik: <https://bank.stat.gl/ARNLED3>

Takussutissiaq 3 malillugu suliffissaaleqinermik eqqugaasartut annerpaartaat, imaluunniit missiliorlugu suliffissaaleqisut 83 pct.-ii, meeqqat atuarfianni qaffasinnerusumik ilinniagaqarsimannngillat. Taamaattoq taakkuupput piffissami 2018-imiit 2022-mut ilinniakkat immikkoortiterneri malillugit suliffissaaleqinermi annertunerpaamik appariaateqarsimasut. 2022-mi meeqqat atuarfiannik qaffasinnerpaatut ilinniakkamik naammassinnissimasut suliffissaaleqinerat 5,4 pct.-imiippoq.

Inuussutissarsiornermi Nunalerinermi, orpippassualerinermi, aalisarnermi uumasunullu tunngasuni ilinniagaqarsimasut suliffissaaleqinerat nuna tamakkerlugu suliffissaaleqinermi qaffasinnerulluni 4,1 pct.-imi inissisimavoq. Ilinniakkanili allani ilinniarsimasut agguaqatigiissillugu nuna tamakkerlugu suliffissaaleqinermi 3,2 pct.-imit appasinnerusumik inissisimapput. Pingaartumik *Ingerlariaqqiffiusumik ilinniagallit* akornanni suliffissaaleqineq appasippoq, 2022-milu sulisinnaasut akornanni pineqartut suliffissaaleqinerat 0,4 pct.-imiippoq.

### Takussutissiaq 3. Suliffissaaleqineq aamma pct.-inngornera, ilinniagaq qaffasinnerpaatut naammassisimasaq malillugu

	Suliffissaaleqineq					Pct.-inngorlugu				
	2018	2019	2020	2021	2022	2018	2019	2020	2021	2022
	Inuit amerlassusaat					Pct.				
<b>Katillugit</b> .....	<b>1.441</b>	<b>1.243</b>	<b>1.300</b>	<b>1.059</b>	<b>931</b>	<b>5,0</b>	<b>4,3</b>	<b>4,5</b>	<b>3,7</b>	<b>3,2</b>
Meeqqat atuarfiat .....	1.214	1.043	1.077	885	776	8,1	7,1	7,5	6,2	5,4
Ilinniarnertuunngorniarneq .....	27	21	21	14	14	1,9	1,4	1,4	0,9	0,9
Inuussutissarsiornermik ilinniarneq: Katillugit .....	162	141	159	128	108	2,4	2,1	2,3	1,8	1,5
- Inuuss. ilinniarneq: Eqqumiitsuliorneq aamma humaniora	8	5	6	5	4	4,2	2,6	3,4	2,8	2,0
- Inuuss. ilinniarneq: Inuussutissars., allaffiss., inatsisilerinerlu	10	9	14	13	9	1,1	0,9	1,5	1,3	1,0
- Inuuss. ilinniarneq: Ingeniøringorm., tunisass., sanaartornerlu	49	43	45	40	39	2,1	1,8	1,9	1,6	1,6
- Inuuss. ilinniarneq: Nunalerineq, orpippass., aalisarneq uumasullu	15	17	18	14	11	5,3	6,1	6,5	5,2	4,1
- Inuuss. ilinniarneq: Peqqinneq atungarissaarnerlu ...	31	26	29	24	18	1,9	1,6	1,7	1,4	1,1
- Inuuss. ilinniarneq: Kiffartuussinermi suliaqarfik .....	49	41	45	31	27	3,6	3,0	3,2	2,1	1,8
- Inuuss. ilinniarneq: Allat .....	1	1	2	1	0	0,9	1,2	1,5	0,7	0,1
Angusanik qaffassaaneq .....	21	20	23	17	15	1,8	1,7	1,9	1,3	1,2
Ingerlariaqqiffiusumik ilinniarneq .....	16	17	20	16	17	0,4	0,4	0,4	0,3	0,4

Najoqqutaq: Kisitsisaataasivik: <https://bank.stat.gl/ARNLED6>

Malugiuk: 18-init soraarnerussutisiaqalersinnaanermit ukiussarititanut ukiullit. Soraarnerussutisiaqalersinnaanermit ukiussarititat 65-it (2016-imi), 66-it (2017-imiit 2020-mut) aamma 67-it (2021-mi 2022-milu).

Takussutissiaq 3-mi takuneqarsinnaasutututtaaq ilinniagaqarfiiit assigiinngitsut akornanni inuussutissarsiornermi ilinniakkamik qaffasinnerpaatut naammassinnissimasuni suliffissaaleqineq assigiinngiaarpoq. Inuussutissarsiornermik ilinniarsimasut akornanni *Nunalerinermik, orpippassualerinermik, aalisarnermik uumasunullu tunngasunik* ilinniakkanik naammassinnissimasut (assersuutigalugu aalisartunut ikiortit aamma qalulerisut) 2022-mi suliffissaaleqinerat 4,1 pct.-imik annertussuseqarpoq, *Kiffartuussinermilli* suliaqarfimmi (assersuutigalugu terminalini sulisut igasullu) suliffissaaleqinerat 1,8 pct.-imiilluni. 2021-mut sanilliussinermi *Nunalerinermi, orpippassualerinermi, aalisarnermik uumasunullu tunngasuni* suliffissaaleqineq 1,1 procentpointinik apparsimavoq

Inuussutissarsiornermi ilinniagaqarsimasut akornanni suliaqarfinni *Allani* (assersuutigalugu IT-mi ingerlatsinermi ilinniarsimasuni) suliffissaaleqineq 0,1 pct.-iinnarmiilluni annikinnerpaavoq. Taamatullu suliaqarfinni *Inuussutissarsiornermi, allaffissornermi inatsisilerinermilu* ilinniagaqarsimasut (HK-assistentit aamma niuertarfinni sulisussatut ilinniarsimasut) kiisalu *Ingeniørinngorniarnermik, tunisassiornermik sanaartornermilu* ilinniagaqarsimasut suliffissaaleqinerat annikippoq, tassani sulisinnaasut 1,0 pct.-ii aamma 1,6 pct.-ii ilinniagaqarfinni taakkartukkani 2022-mi agguaqatigiissillugu qaammammut suliffissaaleqisimmammata.

Kisitsisit ataatsimut katinnerini Ingeniørinngorniarnermik, tunisassiornermik sanaartornermillu inuussutissarsiornermi ilinniakkamik qaffasinnerpaatut naammassinnissimasut suliffissaaleqinerat annertunerpaavoq, 2022-mi qaammammut agguaqatigiissillugu 39-t suliffissaaleqisimmammata. Tassani suliffissaaleqisut inuussutissarsiornermillu qaffasinnerpaatut ilinniakkamik naammassinnissimasut tamakkerlugit pingajorarterutaattut annertussuseqarput.

Takussutissiaq 4-imi takuneqarsinnaasutut 2022-p ingerlanerani 3.226-t minnerpaamik qaammammummi ataatsimi suliffissaaleqinermik eqqugaasimapput. Tamanna takussutissiaq 3-mi takutinneqareersutut agguaqatigiissillugu qaammammut suliffissaaleqisimasunit 931-nit pingasoriaat sinnerlugu qaffasinneruvoq. Takuneqarsinnaavortaaq 2022-mi suliffissaaleqisimasut tamakkerlutik 67,2 pct.-ii annerpaamik qaammatini pingasuni suliffissaaleqisimasut, 8,6 pct.-iilu qaammatini quliniit aqqaneq-marlunni suliffissaaleqisutut nalunaarsorneqarsimallutik.

#### Takussutissiaq 4. 2022-mi suliffissaaleqineq, suaassuseq, najugaqarfik qaammatillu suliffissaaleqiffiit malillugit

	Qaammatit suliffissaaleqiffiit				
	Minnerp. qaammat	Qaammatit 1-3	Qaammatit 4-6	Qaammatit 7-9	Qaammatit 10-12
	Najugaqarfiit tamakkerlugit				
<b>Katillugit</b>	<b>3.226</b>	<b>2.169</b>	<b>534</b>	<b>244</b>	<b>279</b>
Angutit . . . . .	1.807	1.201	312	141	153
Arnat . . . . .	1.419	968	222	103	126
	Illoqarfiit				
<b>Katillugit</b>	<b>2.575</b>	<b>1.713</b>	<b>429</b>	<b>195</b>	<b>238</b>
Angutit . . . . .	1.471	965	254	117	135
Arnat . . . . .	1.104	748	175	78	103
	Nunaqarfiit il.il.				
<b>Katillugit</b>	<b>651</b>	<b>456</b>	<b>105</b>	<b>49</b>	<b>41</b>
Angutit . . . . .	336	236	58	24	18
Arnat . . . . .	315	220	47	25	23

Najoqqutaq: Kisitsisaataasivik: <https://bank.stat.gl/ARNLED5>

## Sulisinnaasut

### 2. Sulisinnaasut

Sulisinnaasut tassaapput innuttaasut najugaqavissut inuussutissarsiorfiusinnaasunillu 18-init soraarnerussutisiaqalernissamut ukiussarititat tikillugit ukiullit (2022-mi 66-it), suliffilittut imaluunniit suliffissaaleqisutut nalunaarsorsimasut. 2022-mi qaammammut agguaqatigiissillugu sulisinnaasut 28.808-nik amerlassuseqarput, taakkunannga 27.877-it suliffeqarput 931-llu suliffissaaleqisutut nalunaarsorsimallutik. Innuttaasut najugaqavissut inuussutissarsiorfiusinnaasunillu ukiullit tamakkerlutik 37.038-upput, takussutissiarli 5 malillugu najugaqavissut 18-iniit 66-inut ukiullit akornanni sisamararterutaat 8.231-nik amerlassusillit sulisinnaasunut ilaanngillat.

### Takussutissiaq 5. 2022-mi sulisinnaasut, najugaqarfiit malillugit

	Sulisinnaasut			Sulisinnaasunut ilaanngitsut	Innuttaasut najugaqavissut
	Katillugit	Suliffillit	Suliffissaaleqisut		
	Inuit amerlassusaat				
<b>Nuna tamakkerlugu<sup>1</sup></b> . . .	<b>28.808</b>	<b>27.877</b>	<b>931</b>	<b>8.231</b>	<b>37.038</b>
Nanortalik . . . . .	691	639	53	290	982
Qaqortoq . . . . .	1.539	1.446	94	454	1.993
Narsaq . . . . .	761	707	53	220	981
Paamiut . . . . .	559	530	29	219	778
Nuuk . . . . .	10.623	10.404	219	2.740	13.363
Maniitsoq . . . . .	1.556	1.500	56	438	1.994
Sisimiut . . . . .	3.129	3.009	120	766	3.896
Kangaatsiaq . . . . .	553	527	27	171	725
Aasiaat . . . . .	1.478	1.445	34	505	1.984
Qasigiannugit . . . . .	579	574	6	141	720
Ilulissat . . . . .	2.627	2.597	30	767	3.394
Qeqertarsuaq . . . . .	430	413	17	120	549
Uummannaq . . . . .	1.186	1.172	14	309	1.496
Upernavik . . . . .	1.366	1.347	19	422	1.787
Qaanaaq . . . . .	335	328	7	135	470
Tasiilaq . . . . .	1.188	1.039	150	457	1.645
Ittoqqortoormiit . . . . .	163	159	4	63	226


Najoqqutaq: Kisitsisaataasivik: <https://bank.stat.gl/ARNSTK1>

Nalunaarut: 1) Nuna tamakkerlugu kisitsisini kommunit avataanni inissisimasut ilanngunneqarput.

Titartagaq 6-imi takutinneqarpoq piffissami 2020-miit 2022-mut sulisinnaasunut nalunaarsuutit marluk; *suliffillit* aamma *suliffissaaleqisut* qanoq ingerlasimaneri. Takuneqarsinnaasut sulisinnaasut suliffilinnit suliffissaaleqisuniillu ukiup ingerlanerani aalaakkaanerusumik inissisimapput. Taamaattoq sulisinnaasut – suliffillit assigalugit – aasaanerani amerlanerpaasarput. Paatsoortoqarnissaa pinaveersaartinniarlugu eqqumaffigineqassaaq titartakkami uuttuutitut titarneq qummoortoq 24.500-nit aallartimmat, kiisalu titartakkami suliffillit suliffeqanngitsullu qalipaasersorneri pineqartut qanoq ataqatigiinnerinut takussutissiaanninnerat.



## Titartagaq 6. Sulisinnaasut




Najoqqutaq: Kisitsisaataasivik: <https://bank.stat.gl/ARNSTK3>

Malugiuk: 18-iniit soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi 2022-milu).

Titartagaq 7 malillugu sulisinnaasut ukiunut immikkoortiternerini takuneqarsinnaavoq 30-t 54-illu akornanni ukiulinni sulisinnaasut amerlassusaat annertunerungaatsiartut. Ukiunilu pineqartuni ukiullit akornanni sulisinnaanngitsutut inissimasut ikinnerpaallutik. Ataatsimut isigalugu ukiut immikkoortiternerini pineqartuni innuttaasut najugaqavissut 80 pct.-iisa missaanniittut 2022-mi sulisinnaasutut inissisimapput.


## Titartagaq 7. 2022-mi sulisinnaasut annertussusaat, ukiut malillugit



Najoqqutaq: Kisitsisaataasivik: <https://bank.stat.gl/ARNSTK1>

Titartagaq 8 malillugu najugaqarfiit akornanni sulisinnaasut annertussusaat innuttaasunut inuussutissarsiorfiusinnaasunik ukiulinnut naleqqiullugit assigiinngiaarput. Najugaqarfimmi Qasigiannguani innuttaasut 18-iniit 66-inut ukiullit 80,4 pct.-ii 2022-mi sulisinnaasutut inissisimapput, najugaqarfimmilu Nanortalimmi innuttaasut 70,4 pct.-iinnai sulisinnaasunut ilaallutik. Nuna tamakkerlugu innuttaasut inuussutissarsiorfiusinnaasunik ukiullit 77,8 pct.-ii sulisinnaasutut inissisimapput.

### Titartagaq 8. 2022-mi sulisinnaasut annertussusaat, najugaqarfiit malillugit




Najoqqutaq: Kisitsisaataasivik: <https://bank.stat.gl/ARNSTK1>

Sulisinnaasutut inissisimanermi ilinniakkap qaffasissusaa annertuumik sunniuteqartarpoq. Titartagaq 9 aamma takussutissiaq 6 malillugit ilinniagaq naammassisimasaq qaffasinnerujartortillugu sulisinnaasutut inissisimaneq annertuneruleriartortarpoq.

2022-mi innuttaasut inuussutissarsiorfiusinnaasunik ukiullit sulisinnaasutullu inissisimasut missiliorlugu 86 pct.-ii *Ingerlariaqqiffiusumik ilinniagaqarput* 76 pct.-iisalu missaanniittut *Inuussutissarsiornermi ilinniakkamik* naammassinissimapput. Killormoortuanik innuttaasut inuussutissarsiorsinnaasutut inissisimasut qaffasinnerpaamillu *Meeqqat atuarfiannik* naammassinissimasut 75 pct.-ii sulisinnaasutut inissisimapput. Innuttaasut inuussutissarsiorfiusinnaasunik ukiullit akornanni qaffasinnerpaatut *Ilinniarnertuunngorniarnermik Angusanillu qaffasaanermik* naammassinissimasut 66 pct.-ii kiisalu 86 pct.-ii sulisinnaasutut inissisimapput.

### Titartagaq 9. 2022-mi sulisinnaasut annertussusaat, ilinniagaq qaffasinnerpaatut naammassisimasaq malillugu



Najoqqutaq: Kisitsisaataasivik: <https://bank.stat.gl/ARNSTK2>

**Takussutissiaq 6. 2022-mi sulisinnaasut annertussusaat, ilinniagaq qaffasinnerpaatut naammassisimasaq malillugu**


	Sulisinnaasut			Sulisinnaasunut ilaanngitsut najugaqavissu t	Innuttaasut
	Katillugit	Suliffillit	Suliffis- saaleqisut		
	Inuit amerlassusaat				
<b>Katillugit</b> .....	<b>28.808</b>	<b>27.877</b>	<b>931</b>	<b>8.231</b>	<b>37.038</b>
Meeqqat atuarfiat .....	14.272	13.495	776	6.232	20.503
Ilinniarnertuunngorniarneq .....	1.555	1.542	14	481	2.036
Inuussutissarsiornermik ilinniarneq: Katillugit .....	7.051	6.943	108	1.017	8.068
- Inuuss. ilinniarneq: Eqqumiitsuliorneq aamma humaniora ....	189	185	4	46	235
- Inuuss. ilinniarneq: Inuussutissarsiorneq, allaffissorneq inatsisilerinerlu	937	928	9	87	1.024
- Inuuss. ilinniarneq: Ingeniørinngorn., tunisassiorneq sanaartornerlu	2.375	2.336	39	305	2.680
- Inuuss. ilinniarneq: Nunalerineq, orpippass., aalisarneq uumasullu	278	266	11	65	343
- Inuuss. ilinniarneq: Peqqinneq atungarissaarnerlu .....	1.697	1.678	18	255	1.951
- Inuuss. ilinniarneq: Kiffartuussinermi suliaqarfik .....	1.471	1.444	27	250	1.721
- Inuuss. ilinniarneq: Allat .....	106	105	0	10	115
Angusanik qaffassaaneq .....	1.262	1.246	15	187	1.449
Ingerlariaqqiffiusumik ilinniarneq .....	4.668	4.651	17	314	4.982

Najoqqutaq: Kisitsisaataasivik: <https://bank.stat.gl/ARNSTK2>

2022-mi najugaqavissut akornanni sulisinnaasutut inissisimasut 28.808-t akornanni 7.051-it inuussutissarsiornermi ilinniagaqarsimapput. Taamaasilluni meeqqat atuarfiattut qaffasissusilimmik ilinniagaqarsimasunut tulliuullutik inuussutissarsiornermi ilinniarsimasut amerlanerpaapput. Titartagaq 10-mi takuneqarsinnaapput sulisinnaasut akornanni inuussutissarsiornermi ilinniarsimasut ilinniartfigisimasaat malillugit.

*Nunalerinermi, orpippassualerinermi, aalisarnermi uumasunullu tunngasuni inuussutissarsiornermi ilinniagaqarsimasut (assersuutigalugu aalisartunut ikiortut qalulerisullu) 20 pct.-ii 2022-mi sulisinnaasutut inissisimannngillat. Illuatungaani inuussutissarsiornermi Allani ilinniagaqarsimasut (assersuutigalugu IT-mi ingerlatsinermi ilinniarsimasut) 8,7 pct.-ii sulisinnaasutut inissisimanatik. Taamaattoq takussutissiaq 6 malillugu taaneqartut kingulliit ikipput, 2022-mi taamaallaat 105-inik amerlassuseqarlutik.*

**Titartagaq 10. 2022-mi inuussutissarsiornermi ilinniagaqarsimasut akornanni sulisinnaasut annertussusaat, ilinniagaq malillugu**



Najoqqutaq: Kisitsisaataasivik: <https://bank.stat.gl/ARNSTK2>

**Kisitsisitigut paasissutissat pillugit**

**3.1 Tunuliaqut**

Kalaallit Nunaanni Naatsorsueqqissaartarfimmit 2012-imi suliffissaaleqineq pillugu paasissutissat annertuumik nutarsarneqarput, FN-ip ataani The International Labour Organisation-ip (ILO) innersuussutai tunngavigalugit suliarineqarluni. Taamaaqataanillu suliffeqarnermi pissutsit pillugit paasissutissat assinganik Naatsorsueqqissaartarfik nutarterivoq. Paasissutissanik nutarterinerup kinguneraa suliffeqarnermi pissutsit pillugit paasissutissat nunat tamalaat akornanni periaatsit malillugit pitsaassuseqarlutik ataqatigiinnerulernerat . Suliffeqarneq aamma suliffissaaleqineq pillugit kisitsisit atorlugit sulisinnaasut kisitsisitigut paasissutissaat suliarineqarput, sulisinnaasullu pillugit kisitsisitigut paasissutissat ILO-mi innersuussutit tunngavigalugit aamma suliarineqarput.

Kisitsisitigut paasissutissat Naatsorsueqqissaartarfiup qaammatip kingulliup qaangiunnerani saqqummiuttagaanit suliffissarsiorlutut nalunaarsukkanut tunngasunit allaanerupput. Suliffissarsiorlutulli nalunaarsukkat suliffissaaleqisut qanoq ineriartorsinnaanerinit assersuutitut atorqeersinnaapput. Suliffissarsiorlutut nalunaarsukkat suliffissaaleqisut pillugit kisitsisitigut paasissutissaat assigalugit nalilersorneqarsimangillat, nunanilu tamalaani suleriaaseq malillugu suliarineqarsimanatik.

## Takussutissiaq 7. 2017-imiit 2022-mut suliffissarsiortutut nalunaarsukkat aamma suliffissaaleqisut

	Agguaqatigiissillugu qaammammut amerlassusaat					
	2017	2018	2019	2020	2021	2022
Suliffissarsiortutut nalunaarsorsimasut . . . . .	2.767	2.317	1.924	1.946	1.581	1.399
- Najugaqavissuunngitsut . . . . .	64	41	36	31	27	24
- Qaammammi pineqartumi suliffillit . . . . .	1.022	836	646	615	494	444
Suliffissaaleqisut . . . . .	1.681	1.440	1.242	1.300	1.059	930

Najoqqutaq: Naatsorsueqqissaartarfik aamma kisitsisaataasivik: <https://bank.stat.gl/ARNLED1>, <https://bank.stat.gl/ARNLED3>

Malugiuk: 18-iniit soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi 2022-milu).

### 3.2 Najoqqutat

Suliffissaaleqineq pillugu kisitsisitigut paasissutissani – suliffissarsiortutut nalunaarsuutitut naatsorsuutit assigalugit – sumiiffinni innuttaasut kommunit suliffissarsiuussisarfiinut suliffissarsiorlutik saaffiginninnermikkut nalunaarsuutaat pingaarnertut najoqqutarineqarput. Suliffissarsiorluni saaffiginninnerit amerlanerpaartaat kommunit allaffissornermi nalunaarsuiffianni Winformatik-imi nalunaarsorneqartarput. Qaammatit tamaasa Winformatik-imit kommunit ataasiakkaat pillugit suliffissarsiorlutik saaffiginnissimasut paasissutissaannik Naatsorsueqqissaartarfik pisarpoq.

ILO-mi innersuussutitut ilaavoq, piffissami inuk sulisimasutut nalunaarutigineqarsimaguni suliffissaaleqisutut nalunaarutigineqassanngitsoq! Taamaattumik Naatsorsueqqissaartarfiup suliffeqarneq pillugu nalunaarsuisarfia atorlugu suliffissarsiortut qaammatip ingerlanerani sulisimasutut nalunaarsorneqarsimasut piiarneqartarput. Suliffeqarneq pillugu nalunaarsuisarfik atorlugu sulisinnaasut aamma naatsorsorneqartarput, tassaallutik suliffilittut nalunaarsorsimasut imaluunniit suliffissaaleqisutut nalunaarsorsimasut. Nammineerluni nalunaarusiat suliffeqarneq pillugu nalunaarsuisarfiimi ilaatigut atorneqartut, suliffissaaleqineq pillugu kisitsisitigut paasissutissani kingullermik tiguneqarsimani malillugit najoqqutarineqarput. Tamannalu suliffissaaleqisunut kisitsisit kingusissukkat saqqummersinneqartarnerannut peqqutaanerpaavoq.

Sulisinnaasunut suliffissaaleqisunullu kisitsisit innuttaasunut najugaqavissunut inuussutissarsiorfiusinnaasunullu ukiulinnut killilerneqarput, Naatsorsueqqissaartarfiullu innuttaasunut nalunaarsuisarfia tassani tunngavigineqarpoq. Nalunaarsuiffimmi nunap sumiiffiini inunnut paasissutissat aamma atorneqarput - soorlu najugaqarfimmut suaassutsimullu tunngasut – suliffissaaleqisunut aamma sulisinnaasunut. Soraarnerussutisiaqalernissamut ukiussarititat 65-it (2016-imi), 66-it (2017-imiit 2020-mut) kiisalu 67-it (2021-mi 2022-milu) killiliinermi tunngavigineqarput.

Ilinniartitaanermut paasissutissat kisitsisini atorneqartut Naatsorsueqqissaartarfiup ilinniakkanut qaffasinnerpaamik naammassisimasanut nalunaarsuiffianinnaanneerput (HFU), ukiup

naanerani naatsorsuusiarineqartartut. ISCED11-mi ilinniakkat qaffasissusaannut taaguutit malillugit ilinniagarineqartut immikkoortiterneqarput, tullerriaarnerili allanngortinneqarlutik – imaluunniit ataatsimut eqikkarneqarlutik – ilinniakkat qaffasissusaannut tallimanut *Meeqqat atuarfiat* appasinnerpaanngorlugu *Ingerlariaqqiffiusumilli ilinniarneq* qaffasinnerpaanngorlugu. Taassuma saniatigut *Inuussutissarsiornermik ilinniakkat* ilinniarfinnut arfineq-marlunnut immikkoortiterneqarput. Ilinniagaqarsimanermut naatsorsuutit pillugit annerusumik paasissutissanut innuttaasut ilinniagaqarsimassusaat pillugu saqqummersitami periaatsimut nassuiaat innersuussutigineqarpoq.

### **3.3 Periaaseq**

ILO-mi naatsorsueqqissaarnermi allaffimmit periutsit nassuiaasiorneqarlutillu maleruagassiorneqarsimasut tunngaviginerullugit naatsorsuisoqarpoq. Nalunaarsuutit atorneqarsinnaasut apeqqutaallutik nunani tamalaani periutsit malinneqarput.

#### **3.3.1 ILO-mit suliffissaaleqineq pillugu nassuiaat**

ILO-mit suliffissaaleqineq pillugu nassuiaammi piumasaqaatit pingasuupput, ataatsikkut naammassineqarsimasussat. Nassuiaat malillugu piffissami naatsorsuiffiusumi inuk suliffissaaleqisutut naatsorsorneqarpoq:

- Suliffilittut nalunaarsorsimanngitsoq,
- Suliffissarsiortutut nalunaarsorsimalluni,
- Ingerlaannartumillu sulilernissamut piareersimalluni.

Piffissap suliffissarsiorfiusup sivisussusaa nassuiarneqanngilaq, kisianni innersuussutigineqarpoq piffissaq sivikitsuussasoq, assersuutigalugu ulloq ataaseq imaluunniit sapaatip akunnera ataaseq. Taamatuttaaq ILO-mit innersuussutigineqarpoq sulisinnaasut ukiui minnerpaaffilerneqassasut – suliffissaaleqinermut attuumassuteqartumik - nunami naatsorsuiffiusumi pissutsit atorneqartut malillugit. Ukiulli qaffasinnerpaaffissaannik innersuussuteqartoqanngilaq.

#### **3.3.2 Naatsorsueqqissaartarfimmit suliffissaaleqineq pillugu nassuiaat**

Innuttaasut suliffissarsiuussisarfinnut suliffissarsiortutut nalunaarsimasut Kalaallit Nunaanni suliffissaaleqineq pillugu paasissutissani tunngavigineqarput. Qulaanili allanneqareersutut ILO-mit nassuiaat malillugu suliffissarsiorsimaneq suliffissaaleqisutut naatsorsuunneqarnissamut naammangilaq. Kisitsisit paasissutissat tunngavigalugit piffissap pineqartup sivikinnerpaaffissaa qaammat ataasiuvoq, tamannalu ILO-mi piffissarititami sivisunerungaatsiarpoq. Nalunaarsuutit atorneqarsinnaasut tunngavigalugit ILO-mit innersuussutigineqartoq malillugu sapinngisamik suliat naammassineqarnissaat piviusunngortinniarlugu, Naatsorsueqqissaartarfik qaammami suliffissaaleqisutut naatsorsorneqassagaanni piumasaqaatinik toqqartuivoq. Suliffissarsiortorlu tassaavoq:

- Suliffissarsiuussisarfimmi suliffissarsiortutut nalunaarsorsimasoq aamma
- Qaammammi pineqartumi suliffeqarneq pillugu nalunaarsuisarfimmi suliffilittut nalunaarsorsimangitsoq.

Nalunaarsuutit atorneqarnissaannut piareersarnermi kiisalu nunap sumiiffiini paasissutissat pissutsillu atukkat ilisimaaralugit isumannaarniarlugit, sulisinnaasunut suliffissaaleqisunullu kisitsisitigut paasissutissat innuttaasunut najugaqavissunut killilerneqarput. Innuttaasullu najugaqavissut taassaapput ukiup naatsorsuiffiusup aallartinnerani naanerani Kalaallit Nunaanni najugalittut nalunaarsorsimasut.

Taamatullu misissukkat innuttaasunut inuussutissarsiorfiusinnaasunik ukiulinnut killilerneqarput, 2016-imi 18-init 64-inut ukiulinnut, 2017-imiit 2020-mut 18-init 65-inut ukiulinnut kiisalu 2021-mi aamma 2022-milu 18-init 66-inut ukiulinnut, ukiut qaffasinnerpaaffissaanni soraarnerussutisiaqalernissamut ukiussarititatu atuuksinneqartut malillugit killilerneqarlutik. Ukiut minnerpaaffissaat 18-inut killilerneqarpoq, 18-it inorlugit ukiullit qaqutiguinnaq suliffissarsiuussisarfinni nalunaarsorneqartarmata. Soraarnerussutisiaqalernissamullu ukiussarititatu sinnerlugit ukiulinnut aamma taanna atuuppoq. Tassungalu pissutaasinnaavoq ukiuni pineqartuni utoqqaassusillit isertitanut taarsiissutaasunik ikiorsiissutinik pisartagaqarsinnaatitaanngimmata, suliffissarsiortutut nalunaarsorsimanikkut aatsaat pisartagarineqarsinnaasunik. Taamatullu kisitsisinut nalunaarsuutini atorneqartuni suliffissaaleqisut 18-init soraarnerussutisiaqalersinnaanermut ukiussarititatu avataanni ukiullit nalunaarsuutaat tamakkiisuunngillat, naatsorsuutillu annertuumik nalorninaateqarnissaat pissutigalugu ilanngunneqaratik.

### **3.3.3 Sulisinnaasut pillugit nassuiaat**

ILO-mi nassuiaat malillugu sulisinnaasut tassaapput innuttaasut suliffillit imaluunniit suliffissaaleqisut. Naatsorsueqqissaartarfiup nassuiaataa malillugu sulisinnaasut tassaallutik Kalaallit Nunaanni najugaqavissut qaammammi pineqartumi suliffilittut nalunaarsorsimasut imaluunniit suliffissarsiortutut nalunaarsorsimasut. Suliffissaaleqineq pillugu kisitsisitigut paasissutissat assigalugit sulisinnaasut 18-init soraarnerussutisiaqalernissamut ukiussarititatu tikillugit ukiulinnut killilerneqarput.

### **3.3.4 Nunap sumiiffiini innuttaasut pillugit paasissutissat**

Suliffissaaleqisunut aamma sulisinnaasunut nalunaarsuiffiit suliffeqarnermi pissutsinut paasissutissat saniatigut aamma nunap sumiiffiini inunnut ataasiakkaanut paasissutissanik imaqarput. Assersuutigalugu ukiut, suaassuseq najugarlu pillugit, Naatsorsueqqissaartarfiup innuttaasunut nalunaarsuiffiani ukiup naatsorsuiffiusup naanerani paasissutissanik. Suliffissaaleqinermi sulisinnaanermilu innuttaasup ukiup naatsorsuiffiusup naanerani inoqarfik najugaqarfia nalunaarsorsimavoq, taamaattoq

innuttaasoq inoqarfimmi allami suliffissarsiortutut imaluunniit suliffeqarsimasutut nalunaarsorsimasinnaavoq.

### **3.4 Nalunaarsuutini kukkunerit**

Suliffissaaleqineq pillugu kisitsisitigut paasissutissanut najoqqutat ilaatigut nalorninaateqarsinnaasut arlaqarput, ingammik ILO-mi nassuiaammit allaanerusunik nalunaarsuutillit imaluunniit nalunaarsuutitut atorneqartunut tunngassutillit. Najoqqutani kukkunertut inissisimasut pingaarnarpaat immikkoortumi matumani saqqummiunneqarput.

ILO-mit nassuiaat malillugu suliffissaaleqisunik peqarpoq, arlaannilli peqquteqartumik suliffissarsioussisarfinni nalunaarsorsimanningsunik. Tasaanerpaasarpullu innuttaasut isertitanut taarsiissutaasunik ikiorsiissutinik pisartagaqarsinnaanningsut, suliffissarsiortutut nalunaarsorsimatinnanni pisartagarineqarsinnaanningsunik.

Suliffissarsiortutut nalunaarsorsimasunitaaq peqarpoq, suliffissarsiunngikkaluanik, kingunerisaanilli suliffittaarsinnaasutut inissisimanningsunik. Tassani ilaatigut piginnaanngorsarniarluni pikkorissarnerni peqataasut pineqarput.

Suliffissarsiortutut inissisimasut tamakkerlutik suliffeqalernissamut piareersimasutut nalilerneqartanngillat, taakkuuppullu immikkoortoq 3.3.1 malillugu ILO-mit suliffissaaleqinermut nassuiaammi piumasaqaataasut pingajuannik naammassinnissimanningsut. Suliffissarsiortup sulilernissamut piareersimassusaa sumiiffimmi suliffissarsioussisarfimmi nalilersorneqartarpoq, nalilersuinerlu tunngavigalugu suliffissarsiortoq sulilernissamut piareersimassusermi immikkoortiterinerit pingasut malillugit inissinneqartarpoq. Sulilernissamullu qanoq piareersimatiginermik naatsorsuutini sumiiffinni ataasiakkaani suliffissarsioussisarfinni qanoq immikkoortiterisarnerit annertuumik assigiinngissuteqarsinnaammata, suliffissaaleqisut kisitsisitigut paasissutissaani sulilernissamut piareersimanermut nalunaarsuutit ilanngunneqanngillat.

Tassungalu atatillugu aamma miserratigineqarsinnaanngilaq suliffissarsioussisarfinni ataasiakkaani suliffissarsiortunut nalunaarsuisarnerit assigiinngissinnaanerit. Inoqarfiit ataasiakkaat akornanni suliffissaaleqisunut kisitsisit assigiinngiiaarneri nalunaarsueriaatsit assigiinnginnerannut aamma takussutissaasinnaavoq.

Suliffissarsioussisarfinni ataasiakkaani nalunaarsueriaatsit piffissap ingerlanerani aamma allanngorsinnaapput. Tamanna kommunimi nalunaarsueriaatsimik allannguineramik imaluunniit sumiiffimmi suliffissarsioussisarfimmi sulisumik taarsiisoqarneranik peqquteqarsinnaavoq.

Suliffissarsiortunik nalunaarsuineq assaannarmik ingerlanneqartarpoq, nalunaarsuutit qarasaasiakkut suliarineqarsinnaalersinniarlugit. Assaannarmillu nalunaarsuineq kukkunernik pilersitsisinnaavoq, tamannali minnerusumik ilimanaateqarpoq.



Nalunaarsuiffinni atorpeqartuni kukkunerit – suliffilinnut, innuttaasunut kiisalu ilinniartitaanermi kisitsisitigut paasissutissanut nalunaarsuiffinni – suliffissaaleqisut sulisinnaasullu nalunaarsuiffiinnut ingerlaqqissinnaapput, soorlu suliffissaaleqisut nalunaarsuiffiannit kukkunerit sulisinnaasut nalunaarsuiffiannut ingerlasartut.

ILO-mit innersuussutigineqarpoq piffissaq naatsorsuiffiusoq tunngavigineqartoq sivikitsuussasoq – assersuutigalugu ulloq ataaseq imaluunniit sapaatip akunnera ataaseq. ILO-milu innersuussummut naleqqiullugu qaammat ataaseq sivilisugaatsiarsinnaavoq.

---

Signatur forklaring:

... Oplysninger foreligger ikke  
.. Oplysninger for usikre til at angives eller diskretionshensyn  
. Tal kan efter sagens natur ikke forekomme  
0 Mindre end halvdelen af den anvendte enhed  
- Nul  
\* Foreløbigt eller anslået tal

Saaffiginniffissaq

Gorm N. Pedersen

E-mail: gnpe@stat.gl

Suliffeqarnermi pissutsit

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
www.stat.gl · e-mail: [stat@stat.gl](mailto:stat@stat.gl)

